



Síðareglur birgja

Tilgangur

Síminn hefur sett sérstakar síðareglur birgja og byggja þær á sama grunni og stefna Símans um sjálfbærni. Líkt og sjálfbærnistefna Símans þá byggja síðareglurnar á UFS viðmiðum NASDAQ og eiga að stuðla að því innkaupum sé hagað í takt við við sjálfbærnistefnu félagsins.

Birgjar leika stórt hlutverk í aðfangakeðju félagsins og Síminn gerir kröfu til sinna birgja um að þeir kynni sér og fylgi þeirri sýn sem fram kemur í þessum reglum.

Ábyrgð

Síðareglur þessar eru á ábyrgð framkvæmdastjórnar Símans en forsjáaðili þeirra er innkaupastjóri Símans. Síðareglurnar skulu endurskoðaðar á þriggja ára fresti eða oftar ef þörf krefur og vera aðgengilegar á vef Símans.

Umhverfismál

Með sjálfbærnistefnu Símans var stefna Símans í umhverfismálum mörkuð auk þess sem Síminn hefur skrifað undir Loftlagsyfirlýsingu Reykjavíkurborgar og Festu. Síminn hefur skilgreint tvo meginþætti í umhverfismálum sem tengjast starfsemi félagsins, þ.e. virðis_keðjuáhrif og notkun náttúruauðlinda.

Lögd er áhersla á að birgjar:

- Marki sér stefnu í umhverfismálum og veiti upplýsingar um þau umhverfisáhrif sem af starfsemi þeirra hlýst með markvissum hætti.
- Þekki umhverfisáhrif starfsemi sinnar og leitist við að draga úr neikvæðum áhrifum.
- Afhendi sorp til endurvinnslustöðva þar sem það er flokkað eftir viðeigandi og viðurkenndum aðferðum.



Félagslegir þættir

Í sjálfbærnistefnu Símans sem og í mannauðs- og jafnréttisstefnu Símans endurspeglast mikilvægi félagslegra þátta í rekstri Símans. Í samræmi við það leggur Síminn áherslu á að birgjar virði mannréttindi og leggi áherslu á heilsusamlegt og öruggt vinnumhverfi.

Lögð er áhersla á að birgjar:

- Virði félagafrelsi, kjarasamningsbundin réttindi starfsfólks og starfi í samræmi við lög á vinnumarkaði á hverjum tíma.
- Virði mannréttindi og fylgi lögum og reglum um réttindi barna, þar með talið barnasáttmála Sameinuðu þjóðanna.
- Starfi í anda jafnréttis þar sem einelti, kynferðisleg áreitni, kynbundið áreiti, ofbeldi eða hverskonar mismunun er ekki liðin.
- Hlúi vel að starfsfólki sínu, tryggi öryggi þess og stuðli að heilsusamlegu starfsumhverfi.

Stjórnarhættir

Síminn lítur svo á að góð forysta og stjórnarhættir séu lykilatriði þegar kemur að sjálfbærum rekstri. Síminn leggur því áherslu á að birgjar tryggi ábyrga stjórnarhætti í starfsemi sinni.

Lögð er áhersla á að birgjar:

- Setji sér siðareglur og birti opinberlega.
- Setji sér sjálfbærnistefnu og birti hana opinberlega.
- Leggi sitt af mörkum til að vinna gegn hvers konar spillingu og viðhafi gott siðferði í rekstri sínum og viðskiptum.
- Starfi samkvæmt gildandi lögum og reglum á hverjum tíma.

Reykjavík, 9. september 2021